

香山縣志



香山縣志序



考諸封建之世國無大小各有史官秦以來郡縣天下而列國之史廢風俗一書肇自東京後之人踵其法因職方之所隸詳載其疆域人民官師貢賦謠俗嗜好之各殊取扶風漢史之一體而名之曰志然則志之作也其猶史氏之遺乎今

皇上統一函夏拓地廣於曩代命官敷治無間遠通翰廼得以韞材學製待臯香山香山僻處邊徼大海環其外或疑德化未易覃被上賴文武諸大吏以及良二千石宣威布愷下吏敬承風旨可以為所得為翰竊幸受事來墾地日益訟獄日損科第蔚興寡廉鮮耻之事不作日與僚屬交勉以職業與士課文藝與民行鄉飲酒禮朔望講讀

聖諭迪之罔弗勸董之罔弗懲未聞以不率煩大憂者然

序

後知

德化所覃被至深且遠也縣舊有志成於盛明嘉靖間距今百數十年時代既易制置亦殊

天子目營四海可保和殿大學士奏

勅直省郡縣修輯志書上之史館彙成一統志翰恭逢盛

事思以上副

朝廷采風問俗之意是用稽諸典籍旁及方聞借資哲匠剖析義例自夏徂冬歷三時而告厥成焉雖見聞寡陋不免保殘守缺之譏而一時公論出其中萬世公論出其中亦期不悖於史氏之遺意而已矣
昔癸丑冬十有一月知香山縣事申良翰謹序

香山縣志目錄

知香山縣事申良翰纂修

縣丞王祚貞校訂

史呂從仁董刻

卷之一 輿地

縣全圖

縣治圖

學宮圖

前山寨圖

濠鏡澳圖

沿革

星野

疆域

形勝

山川

水土

井泉

潮汐

陵墓

氣候

風俗

卷之二 建置

公署 行署附

學宮 附學田

城池

都圖

壇廟

倉庫

坊表

教場

勝蹟 八景附

墟市

關梁

津渡

卷之三 食貨

香山縣志目錄

戶口

土田 附寄庄

稅糧

賦役

雜辦

鹽法

魚課

水利

物產

卷之四 秩官

知縣

縣丞

主簿

典史

教諭

訓導

武職

雜職

卷之五 官蹟

縣尹列傳 二十四人

縣佐列傳 二人

教職列傳 二人

武職列傳 一人

雜職列傳 一人

卷之六 選舉

薦辟

進士

鄉舉

歲貢

恩貢

拔貢

例貢

例薦

武舉

武勳

吏材

封贈

錄廉 例授

卷之七 人物

名臣列傳 二十八人

孝子列傳 三人

義勇列傳 九人

耆壽列傳 十三人

名賢列傳 二十四人

高士列傳 十人

列女列傳 三十七人

卷之八 藝文

疏 三首

議 一首

牒文 一首

序 三首

引 三首

記 十首

碑 五首

銘 一首

文 一首

辭 三首

告辭 一首

賦 一首

詩 百十四首

卷之九 兵防

衛所

屯田

前山寨

營堡

香山縣志目錄

二

汛哨

卷之十 外志

澳彝

祥異

寺觀

仙釋

藝術

述聞

集中人物藝文兩卷或原本不載年歲或哀輯時分蚤暮間有先後舛錯登正未遑願俟異日

香山縣志舊序

邑人黃佐撰

夫志何為者也其殆肇諸周官乎太宰以六典佐治而大司徒掌土地之圖人民之數於賓興賢能尤數數焉庶富而施教典故當爾也乃保章之辨封域春官統之職方之圖民物夏官統之司民之登版秋官統之匠人之授田冬官統之六典之書則掌於太史凡辨法者考焉邦國四方之志則承其流者也周之邳隆其以人才為本者與志之作也其斯而已矣周官法度久廢不行迄漢建武中始詔南陽撰作風俗故沛三輔有耆舊節士之序魯廬江有名德先賢之贊郡國之書由是彬如也其存而傳者袁康之越絕書惟重計倪常璩之華陽志博收名士由是言之志而舍人才尚何志哉我聖祖開天召儒修志總以太史固周官法度也文獻昭垂三百禩闢雕麟趾之意洽而菁莪棫樸之治成矣逮今皇

香山縣志序

一

上重光先烈化洽四海凡有土地人民政事者必務得人焉有徒志而文者市人猶且得而誹之敝邑褊小僻在海嶼未可謂無人顧簡冊久佚可使寂而隳與舊志創自永樂中邑人容君悌與迄成化甲辰庠生黃君經增損以為新志詳於鳥獸草木而名宦人物則畧至是賢令文巖鄧君復延縣文學齊君啓和郎君良胡君禮開局纂修補其未備俾予裁定予方在謝未能也乃令門人楊上舍維震輩撰次論贊比及祥禫躬為潤色昭其晦芟其蕪立綱振目稍可觀省凡八卷云是故風土以觀美惡民物以察登耗政事以審弛張教化以知興替黎獻以考盛衰藝文以備徵信雜志以辨妖祥一邑之事亦畧具矣矧邑負仁山以施仁政周官之本其在茲哉予不敏忝從太史氏後是用僭言於首

香山縣志卷之一

知香山縣事申良翰纂修
香山縣儒學教諭歐陽羽文編輯



輿地志總序

縣全圖

縣治圖

學宮圖

前山寨圖

濠鏡澳圖

沿革

星野

疆域 形勝

山川

水土

井泉

潮汐

陵墓

氣候

風俗

序曰人不天不因天不人不成古志之矣香山治者古東莞香山鎮也其都里或割之南海或割之番禺新會按圖觀之皆境內土也南北縱之得百幾十里東西橫得百幾十里其外繚以大海而其他都里附之此土之外犬牙錯入他縣者蓋無幾香之宜為縣人也而天實為之非按圖不能知也古之學者左挾

香山縣志

卷之一


一


圖右抱書是以知其險易知其近遠知其肥瘠高下而後政治之張弛緩急輕重布之今為圖附焉於是

有縣全圖有縣治圖有學圖寨圖澳圖學之寨之澳之或沿或革人也其所以宜澳宜寨宜學宜沿宜革者皆天也古之為治者以地準天以天正地或揆之以日或測之以星然後相陰陽觀流泉陟嶽降原契龜洽筮而後民居可得而定也因析爨隄可得而時也息游啓閉可得而依也墳壤白黑可得而別也夫然後天心順地宜得寒暑均風雨時去其沴戾流其惡瀆是以民無瘡癘物無夭札禮樂成而歌頌起矣今之志分野揆測之意也志山川形勝陟嶽降原之意也疆域以定其界山川以臚其名形勝以明其勢而後圖之所載畢備且夫川流山峙者天也或憑之或帶之或尊之以為利守之以為險皆人也山


有井泉以疏以鑿有丘墓以封以樹水有潮汐以迎以候所以教民遠斥鹵利舟楫設網罟而養生送死也若夫山糾水繆嵐霧噴薄鬱之則溼蒸之則熱足以中肌膚喋毛髮者則歸之氣候氣候出之者天參之者地亦猶風俗然人為之而亦由地與天何也其貞淫淑慝者人也然而千里不同風百里不同族豈惟千百里哉五家之衆一閭之市皆有之是故君子之治民也不教粵廬不教燕縛調變克友之道則有之夫然後上以為風而下以為俗風俗成而天人之道備矣


香山異志圖






香山縣志圖







香
山
具
志
圖





香山縣志圖





香山县志图

香山寨

白石村

沙河

沙河

关

唐墓

原望村

濠镜澳

灶

望楼

更铺

清晏门

关南庙

兵房

水塘


山头民居

石潭

灶

田

香山縣志圖



沿革

香山古楊越地本禹貢揚州之外境秦始皇三十三年分揚越為桂林象南海三郡其時香地屬南海秦末趙尉佗據郡稱南越王拆南海郡置番禺縣香地隸焉晉成帝咸和六年拆南海之東為東官郡晉恭帝元熙二年復拆南海之西為新會郡地又分屬焉新會郡置封樂封平二縣封樂為今縣之西南谷字等郡封平為今縣之古鎮都若大欖小欖則屬南海黃圃潭洲則屬番禺黃角則屬東莞郡也隋開皇十年廢東莞郡為寶安縣新會郡為岡州香地全屬南海唐至德二年更寶安為東莞縣設鎮香山是為文順鄉專屬東莞

文順鄉為今之仁厚良字龍眼得龍四大

宋元豐五年廣東運判徐九思用進士梁杞言杞香山人請建為縣不果行止設寨官一員仍屬東莞

宋紹興二十二年進士陳天覺覺香山人建言請改鎮為縣

香山縣志

卷之一

三

以便輸納東莞縣令姚孝資以其言得請於朝遂割南海番禺東莞新會四縣地隸之仍鎮名為香山縣屬廣州府元至元十九年改為廣州路明朝洪武元年平定嶺南設廣東行中書省九年改中書省為布政司地屬嶺南道廣州府

星野

舊志云天文分野星紀之分當應南斗十一度女七度於辰為丑鄭玄云分野之占星紀為吳越南斗牽牛星紀也廣州為越明矣范曄云星紀起斗十二度至須女七度於辰在丑吳越之分野屬揚州焉後之以事變驗分野者則曰漢景帝元年金木合於婺女婺女越也二年水火合於斗斗吳也又為粵故周亞夫破七國吳王亡走粵粵攻殺之此其驗也其後熒惑守南斗而越相呂嘉弑其王及太后梁大通中熒惑在南斗而嶺南賊起大同中彗出南斗而李賁反於交州發吳越兵討之益信其屬斗非誣然余考今世占玩諸書皆以斗屬吳斗屬江淮之間女嵩屬越自錢塘以東連閩及粵似與范曄之言合蓋星紀在天起於斗而終於女其應在地起於吳而終於越爾然或疑嶺外曠遠非一次所及况

叢爾一邑烏足當之則必日月不照容光容光不照非日月矣吾故論次其言庶幾觀星者因其分野以為一邑脩備焉得云天道渺遠儒者所不敢知乎

疆域

北至廣州府城四百里而遙新志北至鴻鴈海尾海二
 百里及抵紫泥巡檢司乃番禺地界水程約二日
 西北至南海縣泌冲都一百二十里而近
 西北至順德縣治一百二十里水程一日半
 東北至東莞縣治三百里而遙水程二日餘南海衛同
 東南至東莞縣界大英山一百五十里而遙
 東至新安縣清康歸德一百里而近新志東至零丁洋
 一百六十里為新安界
 西至新會縣治一百五十里而近西至鯁鱗溼海九十
 里為新會縣界水程一日至新會縣治
 西南至新寧縣潮居都一百八十里而近新志西南到
 廣海衛三百里水程三日餘
 入京師七千八百八十五里水驛七十二馬驛十九皆

自北路而達

摠按地方廣二百九十二里袤二百一十二里海嶼周
 迴凡七百里陸路東至大字都鷄柏村西至龍眼都
 疊石村南至恭常都沙尾村北抵縣港為水道通廣
 府河道

形勝

君子之登臨也有樂焉有憂焉望其山川玩其雲物茹幽而擷秀欣然樂也至於茂林叢薄不有鷗張而狐伏者乎南望引領稽天浴日不見邊際不有長鯨恠鰐將乘風藉浪以肆其毒於吾民者乎於是盡然憂之且忘其樂也是故志吾香者不志其樂志其憂志其憂者不志其緩志其急香之急誠在海矣故於海獨詳焉濠鏡澳者邑之南陲孤懸海上者也陸行百二十里可至設關焉關之外割而住海外諸番者千有餘家諸番人隨山勢高下築宮室樹卉木結臺榭月有廩給食吾香之粟而居積其貨番船來往萬里倏忽有司不得稽按先臣龐一鵬嘗憂之疏見藝文志入關而東沿乎海者吾香東陲也曰吉大有砲臺迤北曰鷄拍有砲臺曰角頭山有砲臺又迤北曰平頂有砲

香山縣志

卷之一

六

臺曰涌口門有砲臺又極北曰東洲門在邑之東北極矣其插而入於海也望之如牛角然自東洲迤西曰榕樹門則入縣正北矣自榕樹門來者有二港一曰小隱口再曰東濠口今兩口為之設哨船矣兩口之間曰水洲山山設砲臺以扼其中哨兩口以張其翼曰是固吾北維乎而榕樹之外獨缺東洲之守是捨其極衝而防其次衝也防其正北而捨其東北也是可憂也

自東濠口而西曰縣港口水由番筧來至浮虛鋪錦之海而極濶至是稍收焉直吾香之西北也謂其直入吾縣設哨焉使番筧嚴哨握其外吾香於黃角黃圃握其衝則犄角成而縣之西北固矣夫番筧豈不誠內地乎然檣帆風馬咫尺千里恐呼之或不及顛之或不應未可紓吾憂也

自縣港口而入曰張婆澳有砲臺又稍入置柵水中曰

上柵憂其寇之闌入也亦憂其奸之逸出也又入則縣治矣過縣治而南曰沙涌曰下柵其制猶之上柵也又南曰曲涌有砲臺又南曰第一角海邑之西南門戶也有哨焉昔之人曰花茂曾守此矣則未知其僅二三哨船焉否也

自第一角而南望盡邊沒矣山島聳峙曠無人烟迤東地勢稍折而入曰北臺曰深灣有砲臺焉又迤東曰蠓殼頭蠓殼之插而入於海之南向西猶東洲門之插而入於海之東向北也蠓殼而西望會之厓門猶東洲而東望莞之虎頭門也捨蠓殼不守守第一角猶捨東洲門不守守榕樹門以內也非不守也力不及也是可憂也田蠓殼又東曰南野角曰蔴子埔有砲臺曰茅灣村有砲臺曰秋風角有砲臺又東則香山寨矣有鎮兵以分其憂者此也過寨而東邑之迤南盡矣又為吉大

環香皆水也猶之廣郡諸縣落之皆水也縣治而外其附近者曰龍眼都縣治在其東龍眼在其西龍眼之西亦縣之西阻沙為口曰象角口有哨焉有臺焉自象角口入而近乎縣也曰獅子港有哨焉出象角而南曰竹仔林有哨焉是皆縣之西陲也自象角口而西北望原田錯繡曰大欖都則入於內而近順德矣有臺焉有哨焉自竹仔林而西北望曰古鎮鎮近新會有臺焉有哨焉自竹仔林而南望層巒曰黃梁都民已遷矣地已墟矣可不憂黃梁夫必遷其民墟其地而後可不也此豈設險守國意耶

地必有形廣狹大小袤延險易皆形也有形而後有勝守此可以兼彼策此可以應彼故曰勝也香浮海中寸寸可也尺尺宜守也於是因其有口者以駐哨哨即勝也因其地之稍高可望者以築臺臺即勝也然而臺

不數人哨不數舟臺之相去或十里或數十里舟之相
去近或數十里遠或百里以為傳烽遞警可也以之截
殺堵禦則踈焉矣况其地廣大而多山川之
會寧三縣之
棄而弗守尤有可憂者存焉故曰形勝
志憂也

山川

仁山在城內位子其陽為縣治上有書院其陰為仕學臺其左曰豐樂園今臺園久廢其北曰慶壽山城跨其上前有無量寺東南曰豐山昔僅培塿近民居已平西曰武山城垣跨之上為戰臺今毀其三平於築城時是謂七星峰

大北山在縣東一里平遠延綿東界牛起灣南北皆田西曰蓮峰其高數十丈即舊寨山也元偽千戶王一據之元末海賊李祖三盧實善相繼剽掠宣差朶羅歹氏守其上

南濠雲亭峰西北臨田其上北曰金鼓角山昔海隅嘗聞金鼓之聲故云金鼓朝陽列八景插笏山一名獺窟在縣北一里峙海之旁四面接田設有烽堠舊有西林菴

香山縣志

卷之一

九

石岐山在縣西北一里原設有烽堠遙與蓮峰相對土燥多石直抵於海其陽為何學士赤松堂

老安山在縣西南半里為縣水口衝要西臨于海

筆架山在縣南一里三峰聳秀中峰特出其上後易名

東林黃經構山海齋誦讀其下易名東林與西林對長洲山在縣西二里四水中石岐海東西濠濶西獅子

濠北王屋洲海南八景長洲烟雨

貴峰山本名大尖山在縣南四十里高三百餘丈為縣治之前案其東有野牛徑南有小尖峰箬葉嶺

壽星塘山在縣南二十里塘水方數畝山在其陰舊傳蓬萊仙寓此見藝文志西有宋疑塚在墳頭岡梅花水出焉其陽為六十陂大嶺石溪瀑布出焉又瀦為大龍潭自柯本窩至版道馬鞍嶺而伏虎岡仙人障出焉越龍袞坑至西坑尾望鹿石三株松嶺以抵於

碧雲峰皆仙靈所宅也

金紫山在縣東南十里伏虎岡北嘗有石泉寒冽不竭
八景金紫巖溜

北臺山在縣南四十里東接貴峰西臨海梅花水北下
南臺山在縣南六十里梅花水南與北臺對峙南臺秋
月見八景有觀音巖

香鑪山在縣南六十里峰崕幽峻東介白銀水西赴海
北為南臺至橫坑南接嶺山牛石有筒瀑布出
焉下為大井以抵於冲天燕峰其西為沙角徑

湖洲山在縣南二十里孤峭臨海一名文筆八景阜峰
文筆

灣月山在縣南二十里又名鹿鳴嶺與湖洲山相接羣
峰森列擁峙縣案為一邑大觀
鴻鶴嶺山一名鴻鶴尖秀峰插天三面臨海

香山縣志

卷之一

十

右山俱良字都十里內

象角山在縣西十里西北臨海舊志宋亡時一夜號慟
至曉見小石室立於上俗呼佛仔屋

石門山郡志作石門掩峒在縣西十里東臨海
疊石山在縣西十餘里龍自新會圭峰渡海而來石骨

嶙峋為縣治右弼之障
青薑山在縣西南七里高潔雄偉

右山俱龍眼都三十里內

烏巖山在縣東南六十里東抵雲梯諸山赴海西介香
鑪北為千秋嶺紅旗峒西北抵相合山至于海嶺巖
崖幽暗人跡罕至宋末鄧光薦避元亂居此題詩於
崖見藝文志

長江山在縣東南三十里其山高聳南接烏巖象水出焉
北合神涌入於海又有相合山峭峻形肖上有劉公

峯

紫馬嶺四面皆田地接庫涌嶺有天池芟荷見八景舊志云元末浚南濠此池涸

葫尾山在縣東南五十里其西為蠓頭北臨海烽埃大園山在縣東南四十里南接八廉障西為神涌海上有山曰三洲

右山得能都東六十里內烟筒山在縣東五十里上有石巖清泉出焉俗呼盧亭井

四巖山在縣東六十里高聳北臨海其東曰日角山三面臨海

東洲山在縣東七十里海中潮汐湍激舟不可渡曰東洲門其上北海中曰壺頭山與東莞交界海中有大小虎頭門以形似名即秀山也

香山縣志

卷之一

一十一

右山四字都東七十里內

黃道山在縣東二十里西村奇秀高潔宋黃道人修道故址也下有新美齋為鄉人王蔣陳梁義塾

雲梯山在縣東七十里張許二道人嘗結庵絕頂今石扁猶存

平山山在縣東八十里臨海一名東山南葫山在縣東八十里東北臨海近豐阜湖

右山大字都東七十里內葫蘆山在縣南八十三里石壁峭立如門其勢甚峻林木陰森行人樵夫憇焉又有佛屋門其東北曰東嶺

北接烏巖其西南曰西嶺北接香鑪而山益盤蔚西嶺之陽有水射嶺瀑布南注其南有北含山

大芒山在縣南九十里雍陌村勢如奔龍昂首晚于巨海

五桂山在縣南八十五里為谷字恭常各都諸山之祖
週迴二百餘里巖壑瀑布可與羅浮諸勝相山左
有大小花園產各異花甚多其陽產神仙茶俗名五
鬼山

稜角山在縣東八十里高潔峻峭地抵北含南面海下
有龍井懸瀑中有石如魚元尹黃棠有詩見藝文峰
四曰十二嶺峰曰鷹竇峰南野角有石俗曰黃巢藏
人往取之得一二古磁器曰Y髻峰昔寨其上曰茅
灣峰峰下五眼井冬暖夏寒與溫泉相望茅灣峰在
正午位為邑治第二案山

右山谷字都東南八十里內
鳳凰山在縣東南一百里高深形肖東介南坑北接官
塘岡西為金竹園白蛾石古壑諸峰南赴海香山場
之祖山舊傳有仙女池仙果或人見之其陽有尖峰

香山縣志

卷之一

十二

嶺石牛嶺在香山場後風門凹嶺峰嶼銀涌角峰峰
嶼鷄拍村銀礦今絕翠眉山西臨海秋風角山五峰
如梅花然故語云梅花飛上秋風角石甌山鳳凰東
南香山場前藍屏山上南高深大嶺頭峰峰嶼榴花
山藍屏之南產榴花東南巨海相望而趨南者也
望門山在縣東南一百一十里起自北嶺延袤二十里
如旗至海門突起羣岫隔九星大洋內包鄉都外泊
艘艦漁樵蜩集

南蕉山與鳳凰山對峙絕頂有泉清澈不竭曰龍潭前
有三軍巖舊志宋末有陳媪者據險率眾為亂因名
其子曰勇子後降于元

右山恭常都東南一百二十里

飛駝山即大欖山在縣北七十里山勢蜿蜒中開屏嶂
左為落霞峰下有開元梅花諸泉

鳳山即小欖山去縣北七十里峰巒秀峙紆而西指蘊
靈盤結有泉石之美山下有翁陔園

圓欖山在縣北七十里

浮虛山在縣北七十里平潔峙海中隨波上下因名八

景浮虛春濤

右大欖都西北七十里內

永泰山在縣東北海中一百里大海之東曰三角大海

之西曰坡頭皆護浮虛

大塔山在縣西一百里大黃涌村高突以形似名其陽

聚平山民耕其上

馬鞍山在縣西一百二十里形勢雄峻為郡治紫山

烏洲山在縣西北一百里海中

百富山在縣西北八十里海洲村

古鎮山在縣西北八十里海中西接新會

香山縣志

卷之一

右山黃旗都西北八十里內

黃楊山在縣西南七十里負北面石山幽深峻極宋鄧

光薦避元亂於此結廬隱居其陽有赤坎岡張世傑

所葬地有赤坎村大人嶺烽堠

荔枝山在縣西南八十里山多荔枝因名其陽有林子

後嶺烽堠

龍歸巖山在縣西南九十里相傳宋有結庵者今湮

高城山在縣西南六十里高峻森叢疊岫層巒周迴如

城郭元末民避寇居之

右山黃梁都西南八十里內今黃梁都於康熙元年

奉遷未復

九星洲山九峰分峙多石巖石屋靈草石上溜水甘美

為番船往來所沒曰天塘水

零丁山下有零丁洋文天祥詩見藝文志

金星山二峰相峙趨向如龍中有小嶼如珠
小橫琴山下有雙女坑舊志樵夫見二女就視之化雙
鯉

大橫琴山幽峻為寇所伏元末海寇王一據之洪武二
十八年寇平詔虛其地

深井山即仙女澳也亦名井澳在橫琴下宋端宗御舟
嘗至此景炎二年十二月帝舟入海至仙女澳丙寅

風大作舟敗幾溺帝驚悸得疾嘗一却元兵於此
三竈山三石形似故名與橫琴相對皆抵南番大洋本

宋黃字上下二圍元海寇劉進據之明初寇平復入
黃梁都有田三百餘頃皆極膏腴編民糧差後居民

吳進深通番為亂洪武二十六年都指揮花茂奏殲
渠魁悉遷餘黨其田永不許耕

以上諸山康熙元年奉 遷

香山縣志

卷之一

右在南洋不在版圖者其諸島今列于左曰

小湖洲 馬盾山 大磨山 小磨山

大羅洲 小羅洲 白焦 俗謂海旁
岐石為焦

芒洲 散洲 白藤洲 鷓鴣洲

桑洲 赤洲 擔竿洲 南山亭

竹洲 粉洲 大托 小托

大淋 小淋 文灣 連灣

二灣 三門 浪白 倒觸

宿聚 鬼叫 鼻蘭 鹿脰

潭洲 鷄籠 王魚洲 石巖有王
魚之神

知洲嶼 丫洲 錫坑 山高潔特
多麋鹿

箔洲 孛洲 游魚洲 大吉山山之

東中水曰內十字門 小吉山山之西北中水曰乾

門

澳山山之東南西對橫琴水中曰外十字門其民皆島
彝也今遷

石岐海在縣西北地接浮虛南入洋八景石岐晚渡
港口在石岐上流水小而淺湖平可濟汐涸則難乃北
鄙之咽喉也正德間為寄庄豪右所築今通之

分流海在港口上流東注於東洲門北通於廣

浮虛海在分流上源勢若滔天號為巨浸

倒流海在浮虛之上其中巨嶺激水湍急廻流深險

小黃圃海象水輻輳水寇之衝舊置巡檢司民稍安堵

今宜專哨鎮守以握其衝

象角頭海在縣西二十里西接鱖鯉瀝北連大欖其勢

汪洋風起浪湧舟不可艤晴則水光接天往來晏然

第一角海在縣南海門淺隘南抵大洋乃縣南之咽喉

也明初都指揮花茂防寇於此民呼曰花夫人馬頭

香山縣志

卷之一

十五

烏沙海在三竈東成化中番船侵擾歲令官軍千人防

之

大龍潭在庫涌村後山頂有潭飛瀑舊傳有靈物蜿蜒

出入人或見之歲旱致禱或龜魚出則雨今不驗

蜆涌在沙岡頭東自庫涌西北濠赴於海宋端平中縣

令梁益謙決以導田自縣東襟帶環繞

梅花水在縣南五十里合烏巖香爐白銀等水西為橫

坑入北臺海鱖龍水西出又西合梅花水

白銀水在縣南八十里溪旁有銀樹西北合梅花水入

於海

春坎坑西北合梅花水長江水北出又北合神涌水入

於海

金斗灣在恭常谷字都界水頗濶海物錯出故名

疊石海在縣西五十里旁有巨巖鄉人置鱓鱓魚筒採

捕鮮物邑人利之

石溪在縣東一百五十里谷字都有水如瀑布

銀涌在縣東一百五十里有石如龜每潮生石上浪花

如銀因名

橫坑水在縣南五十里乃梅花諸水之總流也

宮花水在縣東三十里出自長江山象流之源灌溉得

能一都之田歲旱無患

天井湖在恭常都下柵村自南山竹門瀉出下深二丈

許其水清澈歲旱鄉人取湖水至旱福場祈雨立應

旱福場在縣東九十里恭常都下柵村石牛潭側鄉人

以石為壇或歲旱於天井湖取水至場用水牛一隻

燃火四旁道之半狂觸場中於是地損水動祈雨立

應

水土

水色近縣治以北者清且紺前山近洋則碧而黑若西
漲暴下則黃濁惟黃濁故海旁多積淤以成田碧黑者
其性勁其味鹹故煮之成鹽下海之船日以輕者水鹹
且勁入木而堅其質故也其土五色上多黃下多紫兼
有赤埴白壤焉

井泉

大井在縣治西北仁厚街

義濟井在縣治西六十步宋貢士鄭度穿

沙井在西門內武山下其泉自石中出其美可愛

白水井在縣南一里地名沙岡頭其井最古鄉人共汲

舊志云黎家巷即此處

黃婆泉在縣南二里許味清冽闔茶家皆取汲於此蓋

以其近也

象乳泉在縣南十里飛鷺山之北味甘冽小嶺僧慧融

掬之而甘因闢焉

萬年井在蓮峰麓今涸

冬滿井在義祠後石山下夏平冬滿因名

溥惠井在縣東北丫村集真堂前舊志集福去縣東二里

滿水井在縣東七里佛仔屋下泉湧不息味清美

香山縣志

卷之一

十八

長命井在縣東小北丫村三里

漢水井在北山村

金紫泉在縣東十里味甘冽與巖溜相去百餘武差勝

金竹泉在縣十一里味較金紫差冽

大井在龍眼都濠鬼村與潘家村相對四面澄徹歲旱

灌溉田苗

潘家井在龍眼都潘家村深尺許底有沙如珍珠泉水

上湧不舍晝夜行人將近一二丈冷氣侵迫其流灌

溉鄉田五六頃入於海

紫馬泉在縣東十餘里出紫馬嶺下因名

丹泉在縣南八十五里五桂山攀天嶺之石巖味香冽

翰香泉在縣西南八十里陳公石之左

五眼井在谷字都茅灣村下冬暖夏寒與溫泉相望

龍井在縣西南八十里谷字都山上天然石甃也深約

二丈濶二丈餘雨盛則垂水天晴則懸瀑
日見山頭雲雨不時來
開元泉在縣北七十里小欖之飛駝山
舊志黃裳有詩曰井面虹霓隨

潮汐

候潮之法以太陰每日所躔天盤子午卯酉之位而定其消長月臨於午則為長之極歷未及申酉則為消之極消極復長以至於子又為長之極自是至卯而消復至於午而極盛此其大較也然月順天右行積三十日始一周天每日臨子午卯酉四位時有先後故潮因之亦有晝夜早暮之不同云香山水國也潮汐分為五節初一初二初三初四初五初六初七初八初九初十時汐夏戌冬子春秋亥時此則謂之平初四初五初六初七初八初九初十時此則謂之落初七初八初九初二冬戌春秋酉時此則謂之敗魚蝦退散罟網不施初十十一十二二十三二十四日潮夏寅冬辰春秋卯時汐夏申

香山縣志

卷之一

已時汐皆同上
惟春則亥時此則謂之起種植醞釀醫灸忌行十三十四十五二十八二十九三十日潮夏卯冬巳春秋辰時汐夏酉冬亥春秋戌時此則謂之旺其期與閩楚不同蓋地氣使然宋余襄公言晦望前三日潮勢長後二日勢極大即此起旺之期月弦之際潮之去來合沓不盡即此落敗之期俗亦曰合踏水蓋潮勢微劣不能進退也

陵墓 皆仍舊志

宋疑陵在縣南五十里壽星塘北其蹟五處在墳頭岡者號大墓行朝錄云祥興元年九月壬申朔塋端宗於崖山陵曰永福則此為疑陵明矣蓋遺黎為之諱其處也又有全太后疑陵在縣南梅花水坡上宋史載全太后與瀛國公入燕後削髮為尼卒於北平嘗南來也

舊志宋末航海至元十四年十一月移師香山宋太后全氏殉瀕於梅花水出殯之日棺槨數十父老鄉民莫得而近焉

宋太傅張世傑墓潮居里赤坎村說邪云世傑當景炎帝殂復擁立祥興於海上與元張宏範各軍於南北岸一夕忽大風雨戰皆不利世傑舟覆而薨翌早諸軍棺斂焚尸島上傑胆大如斗更焚不化諸軍號慟須臾雲中現金甲神人大聲云太上以我馳驅關係不小已多方措設恢復矣由是諸軍心皆不移塋之

香山縣志

卷之一

赤坎村陸秀夫作詩挽之有句云曾聞海上鐵斗胆猶見雲中金甲神蓋忠義英烈雖亡猶耿耿也秀夫從龍於淵蓋在世傑之後云相傳謂世傑塋陽江縣潮居里赤坎村今考陽江無此里亦無此村則此為真墓無疑矣

明副使黃鑰祖墓在蛤婆嶺

明知縣黃瑜祖墓在大北丫山父墓在壽星塘

明大學士何吾騶墓在縣北七十里小欖村鳳山曾祖

誥贈大學士何純墓在縣南五十里黎村山祖誥贈

大學士何世睿墓在縣北七十里大欖飛駝山父誥

贈大學士何述鉉墓在縣南二十里鹿鳴嶺

氣候

香之風氣與廣郡同蓋炎蒸嘗熱風雨暫寒其生嘗早其肅嘗遲何者偏方土薄故陽燠之氣常泄瀕海地卑故陰濕之氣常盛陰陽之氣既偏而相搏故一日之內氣候屢變晝則多燠夜則稍寒一歲之間暑熱過半窮臘久晴或至搖扇夏月連陰復生凄寒地使然也漢書曰楊粵之民其湊理疏其性耐暑者此也物生其間冬春之交桃李已花微霜或降物亦蕃茂然生而不力氣嘗宣泄肅而不嚴氣不收斂故也若夫夏月暑雨天昏如夕東北疾風揚沙走石名曰青凍天黑無雨西北風駛其聲如雹一日而止名曰赤游天容澹澹日光漸現無雨而風旋起旋變名曰狂龍夏秋之交日光明滅四風挾雨不雷不電名曰颶母作則伐木發屋人無寧處損稼敗舟其禍彌酷然或一歲一見或屢歲一見颶風

香山縣志

卷之一

之起也先東而北其止也回南蕩西必四風齊歷晝夜而息此則廣郡所同然也吾故論其氣候而附述月令生物農事於後以備考焉

孟春之月東風徐來桃李盛花柳眼微青生菜秀柔桑可采老圃種薑剪韭仲春之月農播早穀燕子時至木綿橘柚以次花早蠶抽絲雷發聲螻蝻鳴蚯蚓出秧針微綠季春之月南風至解褐衣衿梅李與枇杷子熟催耕鳴蛙鼓噪農夫急蔣孟夏之月黃梅雨榴花明紫菱出水早荔可食仲夏之月荔子丹芒菓熟花下割藕早穀登場穀名拋犁望百種至熟凡一百日季夏之月姜薦新龍眼熟蘋波解殼是月也新谷全獲農種晚稻孟秋之月桐子結實香椽橄欖皆登晝燠夜涼仲秋之月芙蓉開桂芬馥梨栗熟月下剝柚解芋秋粘始獲季秋之月菊盛開蘋花繡渚農收大粘孟冬之月蔗甜橙黃橘綠晚稻全登是月也

氣乍寒乍燠衣急脫急着仲冬之月微霜下丹楓不落
山花時放是月也農練谷屯困涸塘以漁季冬之月朔
風栗烈梅花盛放玉蘭解芥葛可食上農舉鋤為開歲
計南風微至青陽漸暢

風俗

邑民稟出海之氣土薄水駛其氣清其質柔其音唇舌其聲羽其調十里而殊或有客話有東話客話自城內外及恭常之半為一通於四境東話良字之半及龍得四大等為一外有谷字近於潮閩譯以客話乃通城中或近於廣而音稍重惟小欖音近郡城黃旗之半近順德又其半及黃梁古鎮近新會其習尚則重族閥閱必論世系富而非類者不與婚古有以金銀之飾分貴庶男子之履履分良賤今則無矣其人民惟習詩書事農圃不務工商土曠人稀生理鮮少家無百金取給於漁農田園貧者佃富人之田服其力役曰入傭舊謂田主曰使頭自稱曰田客其後反以佃戶之首為使頭以別於田主織縫貿販東莞之民也耕獲版築新會之民也斧斤木石順德

之民也皆僱覓為之無務工商者其禮度男女冠笄一遵古制婚姻以檳榔為禮富室益以金帛喪循家禮間有用浮屠者大家有溺風水者經數年不